


宋文鑑

六十八之七十二
表牋箴



漢書門類			
三	八	三	二
一	二	七	函
一	四	架	
四	八	冊	


內閣文庫			
三	八	三	二
一	二	七	函
一	四	架	
四	八	冊	

內閣文庫	
番號	漢. 3832
冊數	48 (24)
函號	362 43

廿四



憲
籍



宋文鑑卷第六十八
表

淮南轉運使謝上表

右僕射待罪表

衡州鹽倉謝上表

青州謝上表

知亳州謝上表

知襄州謝上表

徐州謝上表

徐州賀河平表

謝失覺察妖賊放罪表

謝宣召入院狀

謝待讀表

淺草文庫

蘇頌

蘇頌

劉摯

劉摯

劉摯

蘇軾

蘇軾

蘇軾

蘇軾

蘇軾

蘇軾

杭州謝放罪表

又謝 太皇太后表

賀駕幸太學表

謝賜曆日表

賀立 皇后表

謝禮部尚書表

謝賜對衣金帶馬表

謝復官提舉玉局觀表

建寧府節度副使謝表

賀元日大朝會表

謝翰林侍講學士表

淮南轉運使謝上表

贊畫甘泉久玷三臺之末觀風思淮甸驟陛數使之榮朝

蘇

蘇

蘇

蘇

蘇

蘇

蘇

蘇

呂

呂

范

蘇

軾

軾

軾

軾

軾

軾

軾

軾

軾

軾

軾

軾

幸 輕地

可 部 龍靈

民 務 朝 廷

條 而 舉 察

匪 縣 更 於

時 慮 不 足

書 坊 出 分

著 毫 分 之

久 職 之 良

東 南 之 衝

勤 力 以 厚

惠 澤 遍 究

輕 或 失 當

望兼重愧非才選糜稱一散官姑謹詔期

所被畏惕非常竊以州郡備官所以入警

遣使所以布宣於主恩付一道之事權用六

賦輿出內俾以均輸吏以口否減責之薦黜自

事任詎能振肅於治綱七石臣者才不足以適

以經遠偶緣資級之例得行從選用之階始自

便竹俄從褻服入佐計壽粗收歲月之勞蔑

效豈謂伏遇 皇帝陛下察庶工之任使矜

勤拔於省僚授以利柄初惟清海之部莫搯

昔号與區今逢樂歲五稼盈疇而遂茂四人

生料乎漕運之程無煩趣辦之急惟當敷宣

物情編齊之利病可更 正求其本刑政之重

適其中止期靖嘉少稱 論擇若乃事躡貌以

為風采尺
慈天覆聖
受任之始
自省最為
故特示拊
微生第勤
聖恩深厚
任表率百
各器輕而
國躰以熙
擢髮寧窮
於丹青雖

銖兩以斂民財碩在儒
治日新官無內外之殊
獲面於清光 陛下臨
於踈遠何圖亦記於淵
循之厚雖乾坤平施非
勞而思奮儻駉馳之有
石僕射待罪表
仰戴曷勝孤迹兢危妨
官人望所歸則論議行
易搖而臣猥以朴愚
庶下不能甄別人材
致招人言 黷天聽
二聖覆之如天未公

律糜所切以宰輔大
而必信物情不與則
蒙任使上不能諱明
以協眾望誤朝有違
一註於白簡罪當實
投迹於四裔而羣臣

蘇頌

謂其失職宜宜包羞於近班是以
再紆中札曲諭宸衷捧詔驚惶重
歸老屬茲夕負於罪辜儻布懇誠
之分敢計重輕於國廢置之間實
太后陛下 皇帝陛下 矜憐其懇
行幽黜一則安全於介拙尚保餘
遂清朝路

議令獻言 知典刑之無赦原心觀
其餘生處 以善地伏念臣稟生艱
窮理而知幾材不足趣時而適變
館之未游 和鉉何功索米逾歲間
堂旋誤聖 知使備負於憲府仍職
劉摯

之中始自恩臣前無故事方陛下繼承於五聖而國朝平治有百年力勤肯獲之田解不調之羣材而審以器使變化百度而曠日新臣於此時職在言路誓殫忠義敢避勢權寧以身不忍從谷唱和負恩而速進狂宿官之日幾何而瞽言之罪非一之率五而出泉雖慮始樂成者愚上者先王之大戒輒條十害異補敗謀而乱化清衷獨見知其有責容其去臺閣之二職置瀟湘之一全有職事可以報效銜恩載幸揣皇帝陛下察臣孤忠全國大駭不留衆正之門謹當上躋恩仁期於

不淪

謝青州到任表

劉摯

東方大國莫如鄆青愚臣何人繼命帥守蒞官茲始揣已不違伏念臣器溫至疏智靈弗競遭會繼明之始越膺共政之圖三府空建於六期千慮蔑聞於一得雖進退必繇其道常願尊乎聖人而功烈如此其卑終難收於士論寬典刑於司敗假立龍之便藩報政稽期實愧三年之魯改符易地猶叨四履之齊惟時東秦号一都會士知礼義境控海山歎民富饒少故攘之舊習其俗舒緩有平易之餘風謹於承流可以無事曾是迂愚之品獲登寄委之優此善伏遇皇帝陛下乾健而粹純豐中而光大况幾以通變化定鑑以御奸姦人無遐遺材以器使臣敢不振厲義境激昂至恩簡礼去煩稍究

前修之治推仁宣澤庶求遠俗之安儻集洵微仰酬覆

知亳州謝上表

劉效

齒髮衰暮舊鎮會稽非所安榮以為懼昔者聖門高第方六七十則所願為漢世諸儒至二千石謂之達官蓋量方審已雖小邦宜曰才難逢辰慕君在有道不容微幸此所以前哲言志區區其若彼後賢受祿振振焉在茲况如愚臣本緣末學粵塵在路不弃昌時暨忝分符遂更三郡曹為近輔非復白檣之譏曾并泰山仍有變齊之舊至於過譙名壤淮楚近郊猶龍之所誕生真聖是焉臨幸大朝景臺兼武湯之上儀迎年執期格帝賜之純貺民俗既富官守維嚴豈伊戇愚猥叨寄任選

暮月之淹隼旆越疆纒倍宿春之費此蓋伏遇 皇帝陛下聖神妙筭睿智極深又昭於容光溥大和於播物流形品彙默化陶鈞致是小材預膺榮遇謹當布宣詔旨尽瘁官箴為身愚謀雖冀不殆於知止報國本願尚謝餘生於自然誓殞百身勿渝一志

知襄州謝上表

劉效

脫身謫籍縲組近藩仰荷恩華不任感懼臣早者濫承人之出假使車材非所長力不自料黽勉歲月孤負選掄是所謂斗筭之才何暇論繩墨之外然惟利術至廣巧者有餘果聞係踵之後人略取析豪之上第涇以渭蜀故常畏於後生李代桃僵竊自悲於薄命遽辱黜幽之典實由既往之愆浮舟江湖託身瘴癘無復自新之望長懷未弃之憂不謂明詔發中湛恩遠下俾復乘軒

之寵仍加分虎之榮情同更生心惟出涕此蓋伏遇
皇帝陛下離明廣照乾度并容而昭庭之初方勤心於陟
降思皇之際亦代匱於細微以日在孱愚得從甄叙謹當
勉求民瘼恪佩官箴犬馬之心以勞力故能有養桑榆
之景雖已老尚冀無渝

徐州謝上表

蘇軾

分符高密已竊名邦改命東徐復塵督府荷恩深厚撫
已兢慙伏念臣奮身農畝託迹五香林信道直前曾無坎
井之避立朝寡助誰為先後之谷向者屢獻警言仰塵
聖鑒豈有意於為異蓋篤信其所聞碩慙迂闊之言雖
多而無益惟有朴忠之素既久而猶堅遠不忘君未忍
改其常度言之無罪實深恃於全仁知臣者謂臣愛君
不知臣者謂臣多事空懷此意誰復見明伏惟 皇帝

下日月照臨乾坤覆壽察孤
他安全陋躬畀付善地民淳訟
身閑仰愧生成之賜頌力報之

徐州賀河平表

蘇軾

聖謨獨運天眷莫違庶邦子來
不逾時遂消東北莫大之憂然
後患喜若再生伏以大河為災
野十有三載乃同漢築宣房之
收狂瀾於既潰復故道於將埋
惟 皇帝陛下至仁博施神知
廣大孝以安宗廟水當潤下河
故患生於所忽方其決也本吏
復也蓋天助有德而非有功振
危之易毀諒拙直之無
簡殊無施設之方食足
無所懷孤忠而自憐

沛之大澤實沛泗之所鍾伊昔橫流凜孤城之若塊迨
茲平定蔚秋稼以如雲害既廣則利多憂獨深而喜倍
雖官守有限不獲趨外庭以稱觴而民意所同亦能抒
下情而作頌

謝失覺察妖賊放罪表

蘇

軾

盜發所臨守臣固當重責罪疑則赦聖王所以廣恩自
驚廢逐之餘猶在愍憐之數伏念臣早蒙殊遇擢領大
邦上不能以道化民達忠孝於所部下不能以刑齊物
消姦宄於未萌致使妄庸敢圖僭逆原其不職夫豈勝
誅况茲溝瀆之中重遇雷霆之譴無官可削撫已知危
至於捕斬羣盜之功乃是鄰近一夫之力謹言其始偶
出於臣雖為國督姦常懷此志而因人成事豈足言勞
勉自列於消埃庶少寬以斧鉞豈謂蕩然之澤許以勿

推收驚鬼於散亡假餘生之畧刻退思所自為幸何多
此蓋伏遇 皇帝陛下舞虞舜之干示人不殺祝成湯
之網與物求生其間用刑本不得已稍有可赦無不從
寬務在考實而原情何嘗記過而忘善益悟向時之所
坐皆是微臣之自貶感愧終身論報無地布衣蔬食或
未死於飢寒石心木腸誓不忘於忠義

謝宣召入院狀

蘇

軾

詔語春溫再命而使使華天降一節以趨在故事以嘗
聞豈非生之敢望必循非稱愧汗交深竊以視草之官
自唐為盛雖職親事秘號為北門學士之榮而祿薄地
寒至有京兆掾曹之請豈如聖代一振儒風非徒好爵
之縻兼享大烹之美食玉堂賜篆仰淳化之彌文寶籙重
金佩元豐之新渥既厚其禮愈難其人而臣以空疎元

散之材衰病流離之後生還萬里坐閱三迁不緣左右
之容躡處賢豪之上此蓋伏遇 皇帝陛下生資文武
天祚聖神雖亮陰不言尚隱高宗之德而訪落求助已
啓成工之心首擇輔臣次求法從知人材之難得采虛
名而用臣敢不益勵初心力圖後效才不逮古雖慙內
相之名志常在民庶免私人之誚

謝侍讀表

蘇軾

北門視草已叨儒者之極榮西學上賢復玷侍臣之高
選省循非稱愧汗交懷竊惟講讀之臣止以言語為職
考功課吏無殿最之可書陳善闕邪有膏澤之渥潤豈
臣愚陋亦所克堪此蓋伏遇 太皇太后陛下憂思深
大德業久大受 先帝投難之託為神孫經遠之謀故
選左右前後之人罔非吉士使知興亡治亂之效莫若

多聞謂臣雖無大過人之才知臣粗有不敢欺君之實故
使朝夕與於討論奉永日之清閑未敢所報畢微生於
盡瘁終致此心

杭州謝放罪表

蘇軾

臣近以法外刺配本州百姓顏章顏益二人上章待罪
奉聖旨特放罪者職在承宣當遵三尺之約束事關利
害輒從一切之便宜曲荷天慈不從吏議伏念臣早緣
剛拙屢致憂虞用之朝廷則逆耳之愆形于言施之郡
縣則疾惡之心見于政雖知難每以為戒而臨事不能
自回苟非日月之明肝膽必照則臣豈惟獲罪於今日
久已見傾於衆言恭惟 皇帝陛下濬哲生知清明旁
達委任羣下退託於不能愛養成材惟恐其有過知臣
欲去一方之積弊須除二猾以示民特屈憲章以全器

使臣敢不省循過咎祗服簡書眷此善良自不犯於漢法時有貸捨用益廣於堯仁

又謝 太皇太后表

蘇軾

亂羣之誅不請而決蓋恩威之無素致姦猾之敢行方俟
謹何豈期寬宥伏以法吏網密蓋山於近年守臣權輕
無甚於今日觀 祖宗信任之意以州郡責成於人豈
有不擇師帥之良但知繩墨之馭耳石平居僅能守法則
緩急何以使民顧臣不才難以議此恭惟 太皇太后
陛下寬仁從衆信順得天推一身之至公納萬方於無
罪而臣始終被遇中外蒙恩謂事有專而合宜情無他
而可怒故加貸捨以示寵緩朝廷之明粗以臣為可信
吏民自服當不令而率從

賀駕幸太學表

蘇軾

華回原廟既建示庸孝之風懼次儒宮復示右文之化禮
行一日風動四方臣聞五學之臨三代所共蓋天子不
敢自聖而盛德必有達尊在漢永平始舉是禮雖臨雍
拜老有先王之規而正坐自講非人二王之事豈如允
退託不能奠而討伏典意默通於先聖積經問難言各盡
於諸儒恭惟 皇帝陛下文武憲邦聰明齊聖大度同
符於 藝祖矣王仁追配於 昭陵故與舊章以興盛節
臣早塵法從久待經幃永矣馳誠想聞合語於東序斐
然作頌行觀獻誠於西戎

謝 賜 賜 賜 日表

蘇軾

歲頒正朔蓋有統始之經郡賜璽書亦漢家寬大之
詔實為令典豈是空文伏以望歲者生民之至情畏天
者人君之大戒所以常言報應而不言時數每奏水旱

而不羨嘉祥上有銷復之心下有燮調之道固資共理
同底純熙恭惟 皇帝陛下祗敬三靈憂勤万宇為仁
百世自然天不之歸教民七年豈無善人之效臣敢不
仰遵堯典寅奉夏時謹隄防溝洫之修行勞來安定之
政庶殫綿力少助至仁

智 立皇后表

蘇 軾

續文維萃佩天之妹事關廟社喜溢人神臣聞三代之
興皆有內助二南之化實本八倫維關維正始之風具
既醉太平之福民有所恃邦其永昌恭惟 皇帝陛下
自誠而明惟 睿作聖朝寧夷夏德既茂於治朝輔惟
陽政兼脩以內職既膺大慶益廣仁仁卜求海隅婦
無有愁嘆 上啓天造日月為之光明 下無疆與民同
樂

知 禮部尚書表

蘇 軾

備負西學 愧空疎易職東班尤驚忝冒遂領宗卿之
任并為儒 百之榮始臣之學也以適用為本而恥空言
故其任也以及民為心而慙尸祿乃者屢請治郡兼乞
守邊欲及歲 年少施實效而有志莫遂愧負何言今乃
以文字為官 常語言為職業下無所見其能否上無所
考其幽明猶 省初心有靦面目故於拜恩之日少陳有
益之言孔子曰一言可以興邦而孟子亦曰一正君而
國定昔漢文 悅張釋之長者之言則以德化民輔成刑
措之功而孝 景入彘錯數術之語則以智馭物馴致七
國之禍乃知 為國安危之本只在聽言得失之間恭惟
陛下即位以 來學如不及問道八年寒暑不解講讀之
官談王而不 及霸言義而不及利八年之間指陳至理

何帝子萬雖所論不同然其要不出六事一曰慈二曰
儉三曰勤四曰慎五曰誠六曰明慈者謂好生惡殺不
熹兵刑儉者謂約已省費不傷民財勤者謂躬親庶政
不近女色慎者謂畏天法祖不輕人言誠者謂推心
下不用智數明者謂專信君子不雜小人此六者皆
王之陳迹老上之常談言無新奇人所易忽譬之飲
則為穀米羊豕不雖味異而有益於人譬之藥石則為
耆木參苓雖無近効而有益於命若陛下信受此言
如御飲膳如服藥石則天人自應福祿難量而臣等所
學先王之道亦不為無補於世若陛下聽而不受
而不信信而不行如聞春禽之聲秋蟲之鳴過耳而已
則臣等雖以二一尺之喙日誦五車之書反不如醫卜
技之流簿書吏奔走之吏其為

下一覽臣言少留聖意天下幸甚

謝賜對衣金帶馬表

蘇軾

服章在笥賁及衰殘衛勤過度喜先徒御伏以物生有
待天施無窮草木何知冒慶雲之渥采魚鰕至陋借言
海之榮光雖若可觀終非其有妻孥相顧驚屢致於
頌道路竊窺或反增於指目此蓋伏遇太皇太后陛下
下聰明齊聖陳錫載周含垢匿瑕而察於求賢卑宮菲
食而侈於養士士豈輕於千里念非其人言有重於
金當思所報

謝復官提舉玉局觀表

蘇軾

七年遠謫不意自全萬里生還適有天幸驟從繚紲復
齒縉紳僕念臣才不逮人性多忤物剛褊自用可謂小
忠猖狂妄行乃蹈大難皆臣自取不敢怨尤會真人之

勃興與万物而更始而臣獨在幽遠最為冥頑迨茲起廢之初倍費生成之力終蒙記錄不遂弃捐此蓋伏遇皇帝陛下正位龍飛對時虎變神武不殺孰非受命之符清淨無為坐獲銷兵之福聰明不作邪正自分使臣得同草木之微共霑雷雨之澤臣敢不益堅素守深念往愆沒齒何求不厭飯蔬之陋蓋指未已猶懷結草之忠

建寧軍節度使謝表

呂

惠編

備嚴近之選而抵非常之愆當清明之朝而罹甚重之譴孽乃自作咎將誰歸伏念臣一起自諸生暗於大道持竅啓之聞而欲經於事變信呻吟之得而希掛於功名分既過逾理宜顛越矧先立有為之始乃羣材願効之時輒先要津以閱賢路雖一預討論者三四事而參幾

務者一二年凡是蠱國害民之由實臣懵學誤朝之致豈亦下流之所處更令衆惡以二皆歸偶失當時士師之刑難逃今日司直之論尚蒙差貸未寘嚴誅特從四裔之迂以正三凶之比衰皮遠誦人皆知其難堪親愛生離聞者為之太息伏惟皇帝陛下天仁自得聖孝光充撫弓劍之遺藏每加懷愴顧廟堂之舊物寧不盡傷特罪悔之至深猶典刑之為屈龍鱗鳳翼已絕望於攀援蟲臂鼠肝一真心於造化涕逐言出莫知所從

賀元日大朝會表

呂

惠卿

寶典更瑞明廷四觀上儀畢舉綿綿寓均懽恭惟皇帝陛下道大同於堯天日躋格乎湯聖深仁普博達孝光通神祇感於治馨祥嘏由乎和致維歲日月時之首乃朝宗觀遇之先備用舊章滿陳盛禮東臺瑞物冠玉璽

之珍符左戶輿圖增金城之列障樂象成而乃作文播
賀以非虛多士盈庭四夷在列竹逢千載之運敬上萬
年之觴臣俯迫頽齡久縻外閫不及趨慶闕庭徒切瞻
依 旒冕

謝翰林侍講學士表

范

祖禹

辭其可辭敢忘故事受其可受祗服新恩洪惟 眞宗
初置講職問學常勤於日昃論經或至於夜分以啓迪
於後人俾監觀于成憲先帝更新治職止命兼官雖因
革之制不同而經緯之文則一惟熙寧元豐之成烈有
金匱石室之舊聞不顯帝謨尚資史筆追觀列聖之典多
委四輔之臣夫何一介之微膺此二任之重此蓋伏遇
皇帝陛下欽明文思齊取乎廣淵如日方中法天不息謂
二帝三王之道當窮極於高深 一祖四宗之書已光

昭於永久惟念終於典 學垂追孝於前文以臣夙侍書
筵叨塵史觀曲加寵勲 幣用示眷留昔魯穆公之於子思
亟饋鼎肉燕盟王之於郭隗改築金臺二子者或以無
人乎側而不能安或必欲致士於遠而先爲始如臣陋學
敢望古人非懷人爵之可榮竊喜聖心之不倦

宋文鑑卷之六十八

宋文鑑卷第六十九

表

開封府君見致辭

尚書禮部元會奏天下祥瑞表

尚書省謝車駕臨幸衣

亳州謝賜卹刑詔書衣

謝天章閣待制表

賀皇右冊禮表

代范忠宣賀平河外二州表

京東運副謝致到任衣

謝賜資治通鑑表

謝諫議大夫表

謝賜卹刑詔表

林

林

林

林

林

林

林

張

張

李

希

希

希

希

希

希

希

舜民

舜民

清臣

免加右光祿大夫表

李 清臣

謝中書舍人表

蘇 轍

謝尚書右丞表

蘇 轍

賀明堂表

蘇 轍

降朝請大夫謝表

呂 希純

代賀靈宮奉安御容禮畢表

林 希

開封府羣見致辭

林 希

臣希等伏以聖人在上首善始於京師天下修文真士
興於剛畝此乃伏遇 尊號皇帝陛下仰稽古道下育
人材發明詔於多方命興賢於列郡臣等繆當詔旨
與能書雖為草野之臣得奉天庭之貢

尚書禮部元會奏天下祥瑞表 林 希

臣珪等言尚書禮部得元豐五年天下所上祥瑞宣徽

南院使判北京臣拱辰承議郎提舉河北常平等事臣
宜之通議大夫知秦州臣公孺龍圖閣待制知青州臣
紹正議大夫知安州臣甫朝議大夫知興元府臣景華
朝奉大夫知榮州臣震西上閣門使知雄州臣舜卿禮
賓使知安肅軍臣孝綽文思使知憲州臣詵朝散郎知
鼎州臣及知歙州臣堯封朝奉郎知蜀州臣少連承議
郎知安德軍臣從諒知利州臣山等言所部有芝生於
州宅寺觀殿閣柱有七莖者一苗長尺餘者六牛生二
犢者二嘉禾合穗者三五本合為一者一麥一莖三穗
者四四穗者五穗者百餘穗者各一白烏白鵲生於巢
者各一臣聞聖人出而四海清帝命昭而萬靈集必致
諸福之物以表太平之符伏惟 皇帝陛下體堯之仁
躬舜之孝力行勤儉而本以化物誠意則恒而出於愛

民是以指麾之間功業成就覆載之內陰陽協和蒙被
羣生浹肌膚而淪骨髓涵濡異類垂活動植而洽飛翔仰
而觀者景星慶雲俯而視者醴泉甘露扶踈燁燁發為
朱草三秀之英游泳服馴則有白麟一角之異嘉葩連
理之禾異畝同穎之禾巢鵲可附而窺池龍可豢而擾
謂宜作為聲詩而奏於郊廟深詔太史而著之簡編以
永無疆之休以昭特起之蹟考諸已往固可謂絕世之
殊祥抑而弗宣猶以為盛德之餘事自時所紀殆不絕
書今者駕鸞輅以充明庭撞黃鍾而御太極典禮大備
官儀一新殊方駁奔重驛輻湊自昔辮髮卉裳羈縻之
所未至踰沙軼漠言語之所未通咸奉玉帛而介九賓
襲衣冠而獻萬壽頌赫威德冠古超今巍巍煌煌傳示
三極鋪張王會之衆美褒對皇家之盛容臣等恭率有

司伏尋故事稽參圖誅宜先象齒之珍敷道句臚敢上
龍輝之奏歡呼抃蹈倍萬常情

尚書省謝車下駕臨幸表 林 希

天臺肇建具崇喉舌之司帝車下臨增重陛廉之寄非
常之舉視古無倫恭惟 皇帝陛下天縱多能日新盛
德剷除眾弊裁制萬微考先王之董治官立尚書以政
為本紀綱條理見微旨於新書初作規模別牧司於著
位蓋慮之積年而成於茲日聞諸前世而驗於方今忽
紆清蹕之傳采聳鴻臚之觀且北辰居極外環象斗之
宮而黃道所經旁及佳嶽星之位瞻威顏於咫尺被法語
之丁寧敕以在公退而交敬分曹帥屬燦然周典之文
望輦拜恩陋彼漢郎之嘆矧復宗藩旅進禁從相趨凡
獲侍於宸遊皆預窺於聖作歡聲載溢慶榮遇於一時

信史備書流美談於萬世臣等叨膺重任久負明恩碩
懷備位之勳第劇逢辰之幸敢忘策勵期稱寵臨

亳州謝賜卹刑詔書表

林希

奉聖詔之丁寧見上心之欽恤恭惟 皇帝陛下治道
清淨本堯舜之性仁訓辟哀矜同禹湯之罪已雖推行
故事實憂閔黎元臣所領州地號重法南為故楚北則
全齊推埋為姦其來尚矣殺越于貨間或有之嚴設檢
防深用懲艾臣初至問俗云比年稍登咸知愛身頗重
犯法夫廉恥以衣食為本豐凶者獄市之原民之常情
勢自當爾臣謹遵奉成憲申戒有司囹圄之間敢遂期
於無犯縲繫之下庶罔以底于非辜祗循寬條用塞吏責

謝天章閣法司制表

林希

忽絲踈遠俾冒恩榮此世不得辭退何勝懼臣竊惟朝廷

各位本以待殊尤特起之才臺閣縉紳
論思之列分義既定品流自安敢意超
念臣少而嗜學仕則為貧擊折抱關初
繫忝事 三朝金馬石渠出入殆逾於
討論嘗預於片言一去軒輶五更符印
食閔赤子之阻飢申救守臣悉發常平
就輟上供之儲全活者一方更生者萬
涕童稚莫不驩呼脫於溝壑之虞皆自
無職在法何逃覈實之誅屏息以俟伏
智周萬物明燭四方通達下情靡遠迹
張善類故包函庇覆以無遺既保宥以
久次拜恩舊服玷籍近班譽生不虞寵
之改誤被璽書之褒有稽古之愚曷
宜序進於侍從
踰倏及孤外伏
安一命磨鉛削
二紀皇墳帝典
乃 兩宮之旰
之廩蠲裁歲計
口父老至於感
乾坤之施頌臣
皇帝陛下
疏之有間主
其
非望無循吏
錫況臣

心甘寂寞年迫衰遲分以滯蒙老於冗拙今茲收擢弥甚驚憂惟是偏州適承明詔漕由京口控一全兵飛輓之衝隸復古城救積歲旱乾之患方且身先奮築手諭隼繩計蚤莫以收功成江淮之長利儻容戮力豈憚糜軀天日九重但心存於北闕圖書三閣許夢到於西清

賀 皇后冊禮表

林 希

躬御大廷肆陳徽冊班迎行第入踐宮朝臣聞自古有邦必先正始故易以家人治內而詩美閔睢好速維時盛明克備儀物恭惟 皇帝陛下聰明文思不學而成恭儉憂勤所聞者化 太皇太后深惟坤極之配實重人倫之基率以舊章應於古義蓋天地社稷之事勳相其難卿士龜筮之從詎謀是吉於擊申戒禕翟增華左右承顏交致 三宮之養春秋奉祀共祇八廟之靈陰

家世寒儒李以父兄為師貧无公卿之助私有求於祿養輒自力於文詞慨然東遊無以上達際會 仁祖訪求直言策語猖狂恃聖神之不誨評考官怪怒惡倖直之非宜孰知悟俗之言特被愛君之詔感激恩遇遂亡死生莫酬國士之知適有私門之禍未填溝壑重迫饑寒時於道塗望見 神考一封朝衣夕聞召對之音眾口交攻終致南遷之患生雖不遇耳辱願於 二宗時不見容勢殆瀕於九死厄窮自致龜俛何言敢云衰病之餘復被寵光之幸此蓋伏遇 太皇太后陛下母慈均覆坤德无私欲以任熹之明躬行堯舜之道肆求多士以遺成王耆老畢會於朝廷耕桑不遺於林恭遂令拔擢猥及空踈馮唐已衰猶願雲中之往貢禹雖老未忘封事之勤譬如木之在山生則荷恩而死无所怨水之

於地行則潤下而止不敢辭臣之事君義亦如此欲報之意非言所殫

謝除尚書右丞表

蘇轍

渙汗之恩已行而不反徇僕之志雖勤而莫伸上愧鴻私下慙公議恭惟皇帝陛下接堯舜之統蹈成康之仁躰貌先正耆老之臣揀拔後來翹秀之士俛仰六載前後幾人坦然公明故不私昏吝之實緜然淵默故坐照情偽之真臨御以則鑒愈明得失分則下无隱如臣者西南賤士章句小儒早歲猖狂偶竊方聞之選中年流落既安縣尹之卑遭時乏人致位近侍跌宕文墨之圃聒嚙議論之場舉皆空言安有實效碩惟省轄之重實參國論之餘豈无遺賢遽及微品地寒資淺何以望三事之餘光才短力罷安能裁六聯之滯論雖復黽僣

遺司調度之煩試觀心計臣敢不三思厥職一意在公必抵赴於會期以圖報上亦愛養其基本不至病民非寧官謗之逃冀合公家之利

謝賜資治通鑑表

張舜民

政願治乃明主之用心受詔修書皆儒臣之能事成而進御寵以匪頒何彼下臣濂露優賜恭惟英宗皇帝生知典學性好觀書豈上求之多聞實欲輔之自得然萬機叢委載籍紛繁自學者不得遍窺况入主何暇周覽思有所述頗難其人疇若人哉莫如光者給尚方之筆札萃三館之圖書許自辟官用資檢討量加常俸不責課程上下馳騁於數千載之間出入將隨於十九年之內其間明君良臣箴規議論切磨之精語名將循吏方略條教魁梧之偉功休咎庶證之原天人相與之

際抉擿茲究廢崇善良網羅羣言囊括舊史如海之藏
亦怪魚龍之無數如山之包草不鳥獸之難名披分映
澮之末流蔽映彫蟲之小技旅遊東國常屢歎於斯文
留滯終南遂克終於先業雖古者興亡事迹固已燦然
而光之筋力精神於此足矣尚古言官之督責孰諳理
俗之謗嗤卒成一代之書仰副 兩朝之志揭為通鑑
時則弗迷資彼治原捨茲安出 神宗皇帝欲講筵而
進讀揮宸翰以賜名製序布冠其篇端鏤板而布之天
下仰君臣之際會已極丹青何以父子之淪亡忽悲風露
豈謂門墻之舊物退收銘槩之微功開卷涕流拜嘉汗
浹此乃伏遇 皇帝陛下聰明上迺祖宵旰思皇留神於
乙夜之勤訪問於西清之奧伏思 太皇太后陛下教
寧大業持載丞民安所寶之儉茲格無疆之壽考遠追

三鑑坐振四維碩一介之靡 遐與羣賢而樂共儲無僭
石曾非菽水之憂家有賜書 曾作子孫之寶

謝諫議大夫表

張舜民

方安謫籍忽對鋒車入瞻八紘之秀毫進與七人之上
列竊聞明主臨政而願治先下工為官而擇人號曰梓材
取其器使若夫諫爭之任政性侍從之臣地密而選清
秩卑而望重其所以起居言勤則與史官相表裏其所
以彈訶風察則與臺憲同戚也始則專勸人主之違今
乃汎論天下之事乃者藥石不進鳧馬僅存仗馬一鳴
茅如不已豈謂大明之東出 然現雪之日消鼓之以
惠風潤之以膏澤南窮海嶠北浹江湖脫禁錮者何翅
二千人計水陸則不止一萬田土死者傷嗟之不及生者
扶匐以來歸昔居輔弼之崇 謨帝所終作蠻夷之鬼

弃儻道傍古先未之或聞畢吾不知其罪敢望桑榆之
晚景獲依日月之末光招魂於楚水之涯拭目於雲臺
之表手遮西日口誦離騷齒及摧頹謾索大倉之粟衣
裳顛倒驚聞長樂之鐘此乃伏遇 皇帝陛下上當天
心下厭人望見機不俟終日從諫甚於轉圜變通得之
神宗寬人類乎 仁祖豈止芻蕘之被賞將令泉壤以
銜恩率是以行為國何有敢不 激昂暮氣緝理空支棄
白馬而伏青蒲試圖來效餓而山而蹈東海期免後艱
徒孽頌繫交手傳權匪隸聞音 且相趨動色雷風鼓舞律
呂和平屬在守臣惟知虔命切 惟歷代之為政莫若本
朝之恤刑承平幾百四十年 養方二三萬里德如天
地日月恩及草木蟲魚尚慮 縣陞牢官曹卒吏誦司

謝賜恤刑詔表

李 清臣

空城且為業習柱後惠文之風喜作煩苛私行慘刻或
致孤窮亡告疾痛不聊是頌詔教之丁寧申喻州邦之
長守使之網羅寬大搯檻疏通日與涼飈時視藥物比
周王之翦暘始又過之雖夏后之泣辜亦止如是此蓋
恭遇 太皇太后陛下睿慈燕裕仁治醇醲尊居九重
之深周念四海之遠謂聖世不專以刑為天下王者常
欲以恩結民心仰寧八室之光靈垂慶億年之統祚臣
敢不奉行上意祗率外臣

免加右光祿大夫表

李 清臣

宗廟穆清方祔神靈之享王庭昭曠重推雨露之恩優
渥荐臻震皇無措敢殫血懇仰冒聖聰竊以義者天下
之大經分乃人臣之常守稱多量少豈宜有失於一毛
論重評輕必使外獻於羣議如龠合之器是何足以容

輔如栲樞之材彼安能以勝梁棟苟犯滿溢之戒將貽
顛覆之憂伏念臣技能素卑問學殊淺無益當時之實
用宜為盛世之畸人歷任累朝誤躋四輔日索太倉之
米月受水衡之錢職空任於股肱勤不施於竹帛同省
僚列豈無邪礙而詆訶舊山隱淪能不指背而譏笑風
宵幘赧形影穉穉未退即於幽閑已深慙於尸素更增
顯寵將累至公恭遇 皇帝陛下天縱睿明日新制作
欲贊斯時之美方收多士之英致此誤恩猥加朽質任
人惟舊固惟聖主之隆私受爵斯云深懼先民之至誠
冀還異數庶息煩言

謝入中書舍人表

蘇轍

越從左史擢領西垣口出命書身參法從念山林之亦
本無富貴之心聞命若驚固辭不獲伏念臣生本西蜀

家世寒儒李以父兄為師貧无公卿之助私有求於祿
養輒自力於文詞慨然東遊無以上達際會 仁祖訪
求直言策語猖狂持聖神之不諱考官怪怒惡倖直之
非宜孰知語俗之言特被愛君之詔感激恩遇遂云死
生莫酬國士之知適有私門之禍未填溝壑重迫饑寒
時於道塗望見 神考一封朝奏夕聞召對之音眾口
交攻終致南遷之患生雖不遇嘗願殞於 二宗時不
見容勢殆瀕於九死厄窮自致龜俛何言敢云衰病之
餘復被寵光之幸此蓋伏遇 太皇太后陛下母慈均
覆坤德无私欲以任熒之明躬行堯舜之道肆求多士
以遺成王者老畢會於朝廷耕築不遺於林莽遂令拔
擢猥及空疎馮唐已衰猶願雲中之往貢禹雖老未忘
封事之勤譬如木之在山生則荷恩而死无所怨水之

於地行則潤下而止不敢辭臣之事君義亦如此欲報之意非言所殫

謝除尚書右丞表

蘇轍

轍

渙汗之恩已行而不反偃僕之志雖勤而莫伸上愧鴻私下慙公議恭惟 皇帝陛下接堯舜之統蹈成康之仁躋貌先立著老之臣揀拔後來翹秀之士俛仰六載前後幾人坦然公明以不私賢否之實穆然淵默故坐昭情偽之真臨御久則鑒愈明得失分則下无隱如臣者西南賤士章句小儒早歲猖狂偶竊方聞之選中年流落既安縣尹之卑遭時乏人致位近侍跌宕文墨之困聶嚚議論之場舉皆空言安有實效碩惟省轄之重實參國論之餘豈无遺賢遠及微品地寒資淺何以望三事之餘光才短力罷安能裁六聯之滯論雖復龜俛

就職愧歎何言此美伏遇 皇帝陛下天地之仁曲成草木之陋父母之慈久不錄子弟之非將建大厦以覆群工故收衆材而无去升物然臣負過甘六力之受非所容惟有繁已无私或不孤於託付引類自助幸但付免於顛隳不渝始終少荅恩造

賀明堂表

蘇轍

轍

饗帝尊親古今之六典推恩肆眚天地之至仁舉此盛儀併在今日伏惟 皇帝陛下以仁御世以誠事天乾清地寧兵戢民阜人悅故神罔不宥物此罔故禮得以成一享園丘三謁路寢誠敬之心與日兼並以寬大之澤靡物不蒙能事既修全福自至方將享堯舜之上壽膺成康之令名民願所同天心是若臣頃侍陛下帷幄稍歷歲時謹責之深坐甘沒齒江湖之遠猶冀首行 久蟄泥塗聞

震雷而惕若深囚籠檻得清風而自疑

降朝請大夫謝表

茲

轍

罪大恩寬言者未厭官之薄法所不容高領真祠實
出寬憲伏念臣早塵近列無補明時下則拙於身謀上
則闇於國事先朝矜其愚陋宥以遐蒸前後七年浮
沉万死偶真人之御歷數大號以惟新其舊官亟叨
厚祿然臣年迫衰暮知復何為身利退齒願未敢請因
循於此龜俛自慙雖復追削者五官仍且獲安於閑局
函恩至厚為幸已多此蓋伏遇 皇帝陛下以堯舜之
仁行成康之政衷未忘於舊物恩許畢其餘生臣謹當
社門躬耕沒齒蔬食知生成之難報姑靜默以待終
即上郡之福地載廣珎庭會列聖之粹容益嚴昭薦良

代賀景靈宮奉安御容禮畢表

昌

希純

辰叶吉縟禮正口成凡預照臨率同慶抃竊以仙源濬發
帝業肇基初以休盛於湯文宗勳繼隆於啓誦雖寢廟
時饗裸將克備於靈承而衣冠日游館御未經於制度
茂惟真主允集大成 皇帝陛下孝至格天文明若古
眷 神功潛 聖之字有 章聖誕 弥之祥風建清都仰
延真馭迺規 恢於舊址庸考卜於新宮凜然大紫之威
隱若神明之興 博宗有昭穆之叙謁款無來往之煩而
復秘殿重深 列儀坤之正位回廊曼衍圖拱極之近窻
逮不日以休 功驛前期而歲事璿題洒落煥東壁之星
躔藻衛森羅 瀟甘泉之法駕奉離輿而降格被王座以
妥安詔躡 臨羣司徧至瞻舜瞳而增慕施禹拜以忘
勤精意克申 繁禧舉集洽需雲而示惠霈解雨以疏恩
嘉與羣倫同 茲大慶臣蚤塵樞樞方守塞垣阻陪駕鷺

之班徒深燕雀之賀

宋文鑑卷第六十九

宋文鑑卷第七十
表

代王潞公謝 太皇太后表

張 耒

免右僕射表

韓 忠彥

謝中丞受朝奉郎表

曾 肇

陳州謝上表

曾 肇

賀元祐四年明堂表

曾 肇

南京謝上表

曾 肇

徐州謝上表

曾 肇

南京謝上表

曾 肇

賀冊 皇后表

曾 肇

賀上傅國寶表

曾 肇

宣州謝上表

賈 易

鄂州謝上表

代文潞公謝太皇太后表

張 商英

稽留君命敢求免於刑誅惠養老臣不使勞其筋力仰
睿私之從欲撫衰忠以知榮伏惟 太皇太后陛下厚
德無疆至仁 在上 神孫臨祭知保佑之聖功多士充
庭見肅雍之 盛德恩及草木喜同天人臣幸以餘齡獲
逢盛旦雖藻 宣駿奔之事徒有心哉而禮樂大備之時
為後死者豈 不偶尔尚足矜榮

免 石僕射表

韓 忠彥

申寵命以自 天榮非意及措微躬而無地愧與憂并仰
冒眷衷歷陳 危懇切以君臣同體取象於元首股肱上
下交孚相視 如腹心手足所以代天工而理物故能熙
帝軼以奮庸 自昔御臨尤艱考慎惟德業之兼茂乃邦

家之有先伏念臣學無 聖它長材止近用不為詭隨以徇
衆但知直道以事君 道遇聖時未墮素業贊陪機政惟
任孤忠墻高每懼於 次顛綆短固難於深汲更冒非常
之寵深虞可畏之言 以今蠹萌未消國是雖一事有可
否必分年號而得行 以無忠邪繫指朋類而皆廢西方
師老而財匱斗米至 以千錢北道河潰而民流十室幾
於九去大需更新而 以多禁錮宿逋雖減而尚困追償
方欣大有為之時乃 以不世出之士豈茲綿薄能副詳
延伏望 皇帝陛下 雷獨斷之明廣僉諧之訪旁求不
間於庶位圖任況多 以公舊人采擢微才收還成命譽歸
明主名器不輕以假 以公謫息愚臣負乘免聞於致寇
謝史成受却 初奉郎表 曾 肇
裁成一帝之書仰資 聖訓褒錄諸儒之效俯逮瓜生膠

進官榮併叨恩齊首任非稱冒昧為慙竊以簡冊之傳
固多帝王之書為重八章之用非一述作之辭為難在
昔有邦若時稽古自田四而上具載百篇之言絲漢以還
各成一代之史典漢之辭略而雅春秋之法謹而嚴
長雖繆於是非見稱由五核孟堅頗推於詳贍或患文繁
降及後人益艱是任六以紀事支離而失實或設辭駢散
而不工或踈略抵牾之相形或取舍抑揚之未當歷觀
前載茲謂材難矧七兩朝功德之崇高而五世聲明之
富有以至俊傑瑰奇之士禱祝八瑣之蕪載在信書傳
之後裔宜得貫穿馳騁之學温純九深潤之辭追二典之
光華垂百王之軌範如臣之鄙拙十分無堪幼聞道於父
兄粗知好古長論文十一於師友切慕著書然而植性昏冥
受材護落有淺見寡聞之累無屬辭比事之長遭世盛

明脫身冗散天祿石室之奧蚤預校讎金匱玉板之文
得參論次茲儒林之十二選實仕路之殊榮特達甄收莫
非帝力周旋長育感十三出上恩自視庸虛固難報稱雖勤
劬於夙夜謾淹歷於十四感時闡發大猷豈敢希於作者整
齊故事或可繼於前十五人甫臨汗簡之終適十六真齋之疾
奏書天陛阻親望於十七前光拜賜宸庭莫與聞於十八聖
期推賞并及罔功十九養拙藏愚久已逃於常憲因人成事
茲復玷於異恩二十遜辭二十一恐容驚惶失措此蓋伏遇 皇帝
陛下務尊先烈二十二祗紹二十三水圖請 祖考之功非形容之可
既而子孫之孝在潤二十四文二十五之為能深詔有司共成大典蓋
兼資於衆智不求二十六備二十七於一人每矜載筆之勤靡間吹等
之濫致茲瑣質均被二十八鴻二十九私三十蠶蟻雖微素積愛君之志消
塵有補敢忘許國之三十一忠三十二心

陳州謝上表

曾肇

初緣細故輒丐徙州繼靈危誠復求易地圖報未伸於萬一冒煩已至於番一自非仁慈之朝當在譴訶之域聖恩甚厚私願弗違比太守之章尋愚知幸望長安之日感涕難勝伏念臣臣勢至孤叨榮過重謀身寡術易致於人非竊祿無功非方祗歷下之行忽遇之交攻氣厲如絲繼假於餘生况如夢寐之耗形躰支離念官守之之質豈堪撼頓之勞北使幸脩門之在望侍蓋疾痛之加者呼父母而而是想精誠之至者動金石而

非難果上測於淵衷俾曲從於私便維茲藩輔密迹京師事簡民淳首被朝廷之化化里安戶佚稀聞枹鼓之音頌臣何人獲此善地可觀東寧之福皆緣護之恩矧常守於是邦有相望之仲氏流風未遠故故事可詢重念臣昨守汝陰亦隸畿右始引小嫌而求避出於慮患之太周終明大躰而復還良以至公之在上銘心敢怠粉骨難酬此蓋伏遇 皇帝陛下聰明燭於下微而隆寬盡下威德加於九有而內慈及人篤德簪履履之仁推藏疾納污之誼 太皇太后陛下處幽大室之中而周知萬事據崇高之勢而洞照羣情常懷六德之好生不忍匹夫之失所憫臣忝陪侍從之末察臣實嬰沈瘵之餘假借寵靈安全孤朽臣敢不躰上之慈心而哀矜于下念已之病而綏養斯民庶收塵露之微小答乾坤之施

賀元祐四年明堂禮成肆赦表

曾

侑帝饗親既金聲而玉振赦過宥罪以迅雷動以風行歡
聲達於幅員協氣充乎上下竊以躬由乎天之禮莫如王
者之堂極嚴父之心是謂聖人之孝嗚呼茲鉅典屬在熙
朝即路寢以親祠兆于 仁祖黜五咎明之並祭斷自
神宗光昭前聞啓迪後嗣恭惟 皇帝陛下紹膺寶命
祇適先猷平成百度而不有其功履戰羣生而不尸其
德謂時和歲豐之效乃高穹願諱而然謂刑清武偃之
祥乃七廟威神之致矧屬承祧之始永懷濡露之恩將
伸報本之誠且屆事生之道以祭恐數而瀆故遵三歲
之期以郊則遠而疏故度九筵之便乎秋令月吉日上
辛備法駕之儀協雅聲之奏牲牲博碩邊豆靖嘉元龜
大輅之旅陳篆執馭錯衡之輻湊并祠共抵按圖謀而充

庭擊首貫曾柱衣一冠而就列以引以翼公有土有林奠珪
幣以告虔舞羽旄而象德靈心合蒼精意感通嘉得四
海之權增授萬年之策尚念有司之庶獄豈無弗獲之
一夫乃御端闈亟亟大號滌瑕盪穢已責逮鯨空狴犴
而縱縲囚開府庫以賜軍士布慶施德昭天漏泉彼沍
辜弛網之仁推食如蠶之惠方之於此不其狹歟臣忝
綴從班適分州寄首不與奉璋之列徒懷拱極之心

南京謝上表

曾 肇

得郡便私未報期在之政因人易地更分京邑之權朝
始去於故樓夕已臨於新部伏念臣材不堪於巨用行
有愧於古人蚤塵待從之華寔冒藩垣之寵未踰再歲
更守二州既不能興教化於民使之遷善而遠罪又不
能作聰明於外因以譁世而取名惟殫夙夜之勤期副

焦勞之念矧彼淮陽之地舊爲楚國之郊屬頻年昏墊之餘加比屋凶饑之後浚溝漑以疏積水發廩庾以振流民方竭力於經營遂蒙恩而罷徙國家別建都邑內壯皇居維王迹之所基視它邦而尤重堂宇離宮之筦籥奉原廟之衣冠以屬微臣亦慚非據此蓋伏遇 皇帝陛下矜憐舊物優假近班尚容環走於王畿因使周知於土俗奉承清問敢希宣室之歸攀仰末光未覺長安之遠誓當尽瘁少冀分憂至於事鞭扑以立威飾厨傳以干譽非明時之所尚亦私美我之不爲

徐州謝上表

曾肇

懷章去國不啻三年荷橐入朝未淹百日復棲遲於民社驟遠於闕庭迫義理之當然豈人情之所願竊念臣稟性固陋承學迂踈懷是古之至愚抱守官之獨見

豈特難堪於世用固已不善於身謀昨者召自留都處之宗伯屬郊丘之肇祀議天地之經祠執禮雖明趣時則戾已行之令豈孤論之能回不韙之誅敢偷安而苟免旋抗章而請臯蒙易地以示恩繼露微衷復頒溫詔終賴乾坤之造曲成犬馬之私假以使符置之善地循行閭里固多魚稻之饒周覽山川頗有江湖之趣夫何孤蹇獲此便安此蓋伏遇 皇帝陛下寬裕有容包函徧覆將以招致芻蕘之論是用特寬斧鉞之威伏惟恩慈豈易報稱臣身雖在外義不忘君況仰賴於皇明忍自愆於素守深念長人之寄知無不爲益堅許國之誠死而後已

南京謝上表

曾肇

以儒懦而辭將符以親嫌而避邊要頗識事君之義敢

于留令之誅仰賴聖明俯矜誠請既逃罪戾仍獲便安
伏念臣無所取材粗知嚮道雖險阻艱難備嘗之矣而
浩次顛沛必於是焉以平主寡偶而少徒故臨事易危
而多畏昨祈外補聊避煩言未容默突之黜遽改并門
之帥且節制方面號為儒者之榮率先戎行正是人臣
之分便當即路詎敢懷私但以任非所長力有不逮矧
弟兄之孤立擅將相於一時中懼滿盈外虞讒間再瀝
顛天之艱終蒙易地之優維陳宋之奧區首東南之甸
服周流二國俛仰十期何幸衰年復尋故步望千門之
宮闕識三石之衣冠合抱于雲或異時之拱把我冠束
帶多前日之佩觿所愧薄材曾微惠政下孤民望上誤
國恩此蓋伏遇 皇帝陛下舜智兼容堯仁編覆初無
心於予奪皆因物之短長是致孤生與叨平施毋輕民

事方竭力於茲兵苟利公家誓捐軀於異日

賀冊 皇后表

曾肇

中闕肇建盛禮興行人神協謀夷夏胥慶竊以國家為
天下之本右妃寶主化之基致治所繇求端非遠恭惟
皇帝陛下紹天駿命垂世永圖承七廟之吉蠲奉三官
之共養而長秋虛位六職曠官谷求淑人來相宗事上
遵 太母之訓下採有司之言以鐘在庭典冊備物坤
元博厚已正於隆名婦順章明可風於率土臣身雖在
外義不忘君誦造舟之詩想見出元輝之盛申彤管之戒
庶幾補報之忠

賀上傳國寶表

曾肇

受命之符為時而出自天之祐維聖是承方拜況於大
庭遽均恩於率土官師動色海宇蒙休臣聞夫國寶之

有去來猶周鼎之有輕重好治而惡亂舍昏而即明頃
自有唐之衰荐更五代之季伏而不發殆且百年忽尔
自歸將傳萬世所以表 祖宗積累之慶告社稷靈長
之休在聖與仁宜昌而壽恭惟 皇帝陛下沈潜油誓
剛健好生參天地以成能垂子孫而作則果有神物是
貽 皇家固將配甘露以紀元豈止擬芝房而度曲臣
職專守土志切慕君講稱壽之儀取阻陪下列奏升中之
頌敬俟方來

宣州謝上表

曾肇

信而後諫愧無平仲之言罪不容 誅誤脫成湯之網臣
嚴科而賦命畀善地以寧親聖澤 隆寬自古未有愚心
感激欲報何從伏念臣蔽蒙之人 迂闊於事以直言為
敬天之實以詭情為駭俗之非殺 其身有益於君行之

無悔見其利不顧其義如 莫敢為知萬折而必東故三
已而無愠汲黯之戇寧 岳母嫌子文之忠蓋出天性切
服兩宮之知遇稍希八彛之激昂故有橫逆之來曾無
左右之助口欲清而愈濶 外無正而不行獨傷忠敬之
難明亟比欺誣之重坐既免投於荒裔仍擇處於近藩
風俗休戚在所漸摩朝夕 旨甘得其順適道固隆於善
貸恩尤著於曲成此蓋伏遇 皇帝陛下聽德惟聰使
臣以禮兼洪覆無私之運均大明徧昭之神謂好言利
病者有區區憂國之心謂不事權貴者非汲汲謀身之
輩方免官而從眾竟薄責以勸忠臣敢不敬體惠慈退
加修省凡正心而誠意必明辨而篤行金石可磨底慎
子臧之達節死生不變庶幾徐邈之有常殫夙夜治民
之勞全始終報上之志

鄂州謝上表

張

商英

布宣溫詔開諭遠民雖湖山千里之間如酺醪一堂之上聽歡聲之相告慙共理之非良伏以旁接九江前臨七澤地遐而陋俗魯以愚雖有沈寃莫能往朔至於極病祗自悲吟蒙被皇明由頒德意所謂率科嚴重鈎考碎煩方田擾安業之農園土聚徙鄉之惡省租紐折公帑貪求學校駢迫者或違其孝養之心保伍追呼者或失於耕桑之候寺觀培繕營之費東南配漕輓之舟抑認香鹽強招卒伍文移速於星火追捕遍於里閭百端紛更一切蠲罷可謂崇字之孝治真為紹述之聖功而臣初效外官恭承嘉命唯憂疲懦未克推行豈有設施可圖報稱有君如此碎首以之此蓋伏遇 皇帝陛下誠實應天典常師古王略以平其好惡道樞以會其是

非終臣於元祐之間未嘗有干預憐臣於元符之末首被擢排一洗刑書再還仕籍退循衰晚虛辱寵榮碎穀留侯歸休有素據鞍馬援進取何堪誓堅忠孝之心永保初終之節

宋文鑑卷第七十

宋文鑑卷第七十一
表

明州謝到任表

蔡肇

代范德孺戶部表

廖正

謝昭雪表

劉跋

謝吏部侍郎表

鄒浩

謝復官表

鄒浩

代范忠宣公遺表

李之儀

通州自便謝表

陳瓘

進四明尊堯集表

陳瓘

台州羈管謝表

陳瓘

明州謝到任表

蔡肇

失職之誅尚容自劾非常之寵更以曲加弗獲固辭具

嚴名訓叨塵特其感涕難勝口聞人有能有不能 聖
主量材而受職仕或去或不去 臣秉義以事君儻已
試而可知敢懷安而自止雖君父保全之恩厚不汝瑕
疵顧國人可否之論公有覲而目伏念臣昨繇省戶擢
置詞垣盡出聖神獨斷之明本無左右游談之助然名
過其實者殆用非所習則窮口以逢聖治之日新竊仰睿
文之天縱咸池張洞庭之野以鴻鳥炫驚秋水灌涯涘之
間波臣自蕩莫知微濟宜厚麻以愆敢期全度之恩更溢
褒嘉之典既聯法從仍界名以恭惟 皇帝陛下如天
覆臨以生以遂薄海內外悉于悉臣眷甌粵之偏陬控
東南之美浸鯨蛟霧濕之所地增鬱美隸舸舶之所往來
方旋反於使輅將嗣修於貞誠慨謂宜推擇以重拊循而
臣結約無奇間閑少與徒懸潭之醜類素之雄文竊賈

客之購金初無佳句矧今郡國守令之政具存典謨訓
誥之書奉以周旋雖不能識其大者求之度數庶幾或
推而行之有以及民是為報國

代范德孺謝戶部表

廖

正一

邊部終更王庭當觀亟承天寵遷真地官靜以省躬忸
乎就列臣降才蹇淺志學顯蒙皇恩遇盛時荐膺煩使饋
糧千里嘗絕漠以知難勤戍六年屬鱗荒之未諭俯思
前訓敢妄覲於功名仰奉睿謀務久寧於封略謹述餘
責竊願投閑惟邦計之實繁須賢勞而共濟乃容踈遠
誤被選掄臣早預搢紳特緣承冒朝廷不掩其遺直兄
弟相戒以盡忠豈謂馴致高華迭居要劇征西合符而
相代省戶接軫而並游衆謂樂觀臣知非據 陛下天
均覆育聖監清明政在節財方且度縣官之用人無求

備固將觀臣庶之能當勤早夜之恩庶有毫銖之補

謝昭雪表

劉 跋

投昇讒人已悟告言之妾蠲除詔令更由論坐之寃沒而有知死且不朽竊以前世論事下敢生之章法家原情著反坐之律未聞私書謬悠之謗可致公朝夷滅之刑繁彼無良違為不令因黨友之尺牘形間巷之有辭引確為揚尚父之言誦高貴卿公之語察斷以唾鄙惟幸詆誣既內嫌於不根又陰震於後患禱其什以火固絕意於上聞託以屏人復何施於參驗不攻自破欲蓋而彰巧誰謂其如實市共知於無虎雖毀者挾此心必以惡聲而小人乘危遂為奇貨密騰舊札歷遺眾以險不啻於山川食無餘於大彘速從吏訊幾誤國章立思所株連人以股栗浩有漂山之勢岌如累卵之危賴先帝照矚之

明察權臣吞茲之患特迂清問少緩嚴科然而先臣諸孤終以屏廢闔門百口益復幽囚瘵癯者十喪隸臣妾者三歲無罪且至於如此大戮亦何以復加會聖之龍飛破羣疑而冰釋譴累所逮訴告必申悼前日之禍機嗟何可及掛有司之罪籍名或未除用再瀝於肺肝敢上塵於旒宸理無難者宜察悼於改為事已灼然遂悉從於釐正此蓋皇帝陛下乾行以健離麗而明體大舜即讒之方廣有唐辨謗之略孤忠素節事已白於九原弱子幼孫誓各堅於一死微生何算洪造難酬

謝吏部侍郎表

鄒 浩

代言西掖已冒至榮列職中臺更壘高選拜恩優渥撫已執廟中謝竊以六典治邦周重天官之任三銓綜吏唐推文部之權洪惟神考之正名肇復先王之成憲

迄至今日益昭聖功宜得真材以貳選事而臣猥從廢
斤特荷哀憐俄擢實於近班獲預聞於機要事陛下
有如上帝敢萌一念之欺仰陛下何啻高山終之織
矣之補未正空食之善具遽叨越次之陞靖言思之可謂
幸矣此蓋伏遇 皇帝陛下孝隆繼志道廣用中欲多
士之無朋故孤直者與進欲四方之不擾故愚守者并
容愛舉斯心俾祗厥古行臣敢不激昂遭遇飭厲為念
此餘生實神聖之再造誓殫綿力稱寵祿之殊私

謝復官表

鄒

浩

萬里投荒豈生還之敢望九重獨斷俄意外以蒙恩感
敷哀憐縱橫涕淚伏乞 聖恩最為固陋全昧幾微有言輒
至於妄陳雖死不足以塞責上賴聖人之救物特寬司
宥之嚴刑但復竄於 遐方始使必其往各惟昭潭之可

畏與新州而不殊形影 日隨朝夕難保昏昏瘴霧信為
提耳之師兀兀愁居因得 致身之道惟忠惟孝無古無
今命雖甚於垂絲心已期 於結草不謂僅存之瘦骨忽
遂將絕之驚魂既獲免以 拘繫遂亟詣於定省名蠲罪
籍品復文階在杖拭之非 常皆覬覦之莫及此蓋伏遇
皇帝陛下道彌天覆德成 春生千齡光御於不圖萬物
率由於和氣紹隆先烈坐 撫太平曲回進日之明旁燭
戴盆之下謂 裕陵長育 賜之策而除教官謂 哲宗
保全於其愚而屈常法召 從五嶺之表端遇六龍之飛
擢于不次之中曾是惟新 之數肆令甄叙俯及孤危臣
敢不因險阻艱難之備嘗 念身體髮膚之再造益堅夙
志遙瞻北極之尊長與老 親共祝南山之壽精誠所貫
高厚必知

代范忠宣公遺表

李之儀

臣聞生則有涯難逃定數死之將至願畢餘忠輒留垂
 盡之期仰瀆蓋高之聽中伏念臣賦性拙直稟生艱
 危忠義雖得之家傳利害至同於人欲未始苟作以干
 譽不敢患失以營私蓋常尤天下而憂期不負聖人之
 學此先臣所以教子而微口只資以事君粵自治平擢為
 御史繼逢神考進列諫三在苒五十二年首尾四十
 六任分符擁節持橐守邊既叨宥密之求再席鈞衡之
 寄遇事輒發曾不顧身因時有為止欲及物固知盈滿
 之當戒弗思禍釁之陰乘昔內里風濤僅脫江魚之葬并四
 年瘴癘幾從山鬼之遊忽滿得睿聖之臨朝首圖纖介之
 書物復官易地遣使宣恩而臣目已不明無復仰瞻於
 天日身猶可免或能親奉以公堯言豈事理之能詣果神

明之見膏未獲九重之入觀卒然四體之不隨亦新日
 畝之還上負乾坤之造猶且強親藥石貪戀歲時僅留
 釋於沉迷或稍紆於報效今則膏青已逼氣息僅存泉
 路非遙聖時永隔恐叩閭之糝及雖結草以何為是以
 假漏偷生剗心癡懇庶呈慈之俯鑒亮愚意之無他臣
 若不言死有餘恨伏望皇帝陛下清心寡欲約已便
 民達孝道於精微攬仁心於廣遠深絕朋黨之論詳
 察邪正之歸搜抉幽隱以盡人材屏斥奇巧以厚風俗
 愛惜生靈而無輕議邊事包容狂直而無易逐言官若
 宣仁之誣謗未明致保佑之憂勤不顯本權臣務快其
 私忿非泰陵實謂之當然以至末究流人之往術悉
 以聖恩而特叙尚使存歿猶汚瑕疵又安得未解疆場
 之嚴空密藏之積有城必守得地難耕凡此數端願留

聖念無令後患常軫淵衷臣所重者陛下上聖之資臣所愛者宗社無疆之業苟斯言之可采則雖死而猶生淚盡詞窮形留神逝

通州自便謝表

陳 瓘

恩由獨斷澤被孤忠刑部之執守雖堅天子之福威無壅乃公朝之盛事豈小己之私榮恭叙感悰仰黷高聽中謝伏念臣昨蒙善貨賜以生還萍跡孤睽久寄食於異縣華門幹蠱常委事於長男所營不足以藩身其出每緣於餬口去庭闈者累月聞道路之一言耳受而輒行親危而不顧緣帥司深疾其生事故傳者多指為病狂萬口嗷嗷兩路詢孤突教子素存不二之風曾幾殺人寧免至三之感事既匿而難曉時浸久而益疑所深嚴就逮於重江之外獄辭平允閱實於片言之中

於其無罪之可書許以還家而自便出園扉而涕感瞻魏闕而神留尋沐寬恩移署近地海島萬里不如無子之無憂淮孺一身彌覺有生之有患擢髮不足以數臣之罪瀝血不足以寫臣之心羔羊之性自公犬馬之情愛主忘身徇國初無係悵之私抱疾呼天惟恃精誠之裕忽因詔諭特免拘維此益伏遇 皇帝陛下堯大并容舜明洞照人人皆使之得所事事唯恐其有偏繼志用 神考之心應天以格王之實舊弊若冰之將釋新慶如川之方流家國平康內外交泰遂使赦令昔阻隔而今行士有宿愆始棄置而終宥全家荷德無路酬恩螻蟻之力至微但知恭順蒲柳之身已老尚可糜捐望雖隔於戴盆向敢志於傾壑

進四明尊堯集表

陳 瓘

臣竊以猷畝愛君精誠雖至芻蕘議政迂闊難行葵向
不習而常傾芹陋敢期於得獻獨因眷斷許真危衷謝
伏念臣糞土下材大馬賤質數罪固多於擢髮舍生無
意於兼魚初欲糜捐終難緘默因續前言之緒聊輸垂
絕之忠非敢有善善惡惡之辭但欲明尊尊卑卑之義
此螻蟻所能知也在縉紳安可藐然八十卷之私書奪
此與彼十九年之懿績可從而違 陛下於繼述之初
首辨明於茲事微臣持將順之志在流竄而靡志鋪張
痛詆之言編類厚誣之語初謂熙寧之輔不媿有商之
臣於成湯敢肆一歎欺疑安石有所弗忍及究觀於黷筆
始粗見其游辭因思大典之文誣益願志軀而往訴合
浦十論申舊疏之餘言四明八門撮其要於一序實欲
彰火德之盛不敢畏王氏之強寧碎首於邦誅忍謾心

於國是彼效尤於往轍亦苟逞於陳編難以縷關略舉
綱要謂 藝祖濫誅無罪謂 眞宗矯誣上天訛薄
裕陵攘奪先美以託訓爲指口之術以歸過爲自舉之
媒但矜詆訾言之極工罔顧威靈之如在幾乎罵矣豈不
痛哉讀其書寧忍終篇稽其文可爲流涕代言之筆盡
目其徒爲儒宗首善之宮肇塑其形爲坐像禮官舞禮
而行諂吏善獻佞而請觀光乎仲尼乃子雱聖父之贊
比諸孔子實不輕君之情彼衰周之僻王棄真儒之
將聖當時不得配太廟之饗後世所以廣上丁之祠今
比安石爲欽王之臣則方 神考爲何代之主又况一
人幸學列辟班隨至尊拜伏於爐前故臣驕倨而坐視
百官氣鬱多士心寒自有華夏以來無此悖倒之禮
神考之再相安石始終不過乎九年安石之屏迹金陵

棄置不召者十載八字威加於鄧綰萬機獨運於元豐
豈可於善述之時忽崇此不遜之像因壞先朝三舍之
法遂費今日十倍之財人材之可擢不殊國用之添費
徒廣浚吾民之膏血增彼像之精神美成其私怨集于
國陸贄設枝顛之喻承業以財盡為憂忠哉古人愛君
之誠異乎今日養士之意又况臨川之所學不以春秋
為可行謂天子有北面之儀謂君臣有迭賓之禮禮儀
如彼名分若何此乃衰世侮君之非豈是先王訪道之
法贛川舊學記判于四紀之前辟水新靡像成於一壻
之手唱如聲召應若響隨使王氏浸至於強梁乃元祐
助發其氣焰昔 宣仁權同之際謂介甫節行甚高宜
贈崇官仍加美諡曰馬光書之于簡呂公著行之於朝
不以稽弊為心徒以發鎮浮之議負安石者重加黜責欺

神考者略不誰何遂至於此
太過雖當時未見証史而
成乘悖蒙蔽 裕陵之眾
行謀畫本生於日錄三衛
乎鄧蹇之安排草草乎京
而填和譬諸手足則左弱
愚公老矣益堅平險之心
而後已志不可渝望雖隔
上格天語遙詢要觀尊主
念臬縶寧逃恭惟 皇帝
熙豐記動之史做虞夏採
書之百毀舜纂堯緒孜孜
乎不承之美茲所謂一人
之慶可以得萬國之歡凡有

似蔓而難圖豈非由偏助之
尤朝自有聖批恬不奉行養
天眩耀鍾山之一書四輔之
之設規模初定於新經密密
撫之傳授考其音聲則楚唱
而右強凝如冰山烈若原火
相衛眇然未捨填波之願歿
於戴益夢不忘於馳闕丹誠
之恭綏議好時之罪淵冰在
陛下天太普容日明徧照覽
詩之官咨輿議於多方證私
文十

識知孰不將順天地尊卑之已定首足上下之宜分孔
志在乎春秋漢律嚴於名分戴土者皆知此義尊堯者
豈獨臣書燕馬以市骨為先先鬻驥者必將來矣鄭校夫
防川之壅有舌者其忍默乎臣命可危眾口難遏伏
望 皇帝陛下念臣役志於事上懼臣積禍於敢恭以
尺朽之廢材貢一得之愚慮言多妄發事則有稽宣宗
當紹憲之時寧容德裕之奪語武帝以述景為事忍視
馬遷之短辭父子至情士以今一撥不懲謗史之罪則何
以謝過於宗廟不毀坐後以之悖則何以示順於華夷國
是方強勢難遷改大器在重要在深思庶乎苗莠之分
始於冠履之辨至美成於剛剛健大患生乎因循儒宗數
人自是一家之說 聖主獨斷乃為我 宋之休天心
篤愛之甚明人情企想以叩有待解 神考在天之怒成

聖主奉先之仁克果斷於蔡方人將大覺善先揚於堯
績土可無為於一顰一笑之中成允文允武之業臣將
獻駭惠太平之頌豈特進狂簡不裁之書習臆無竒但
盡恭於文字筋骸已憊當致命於君親仰酬再造之恩
退聽一成之議闔門待盡殞首知歸

台州羈管謝表

陳 瓘

奉 聖旨陳瓘自撰尊堯集語言無緒盡係詆誣不行
毀弃送與張商英意要行用特勒停送台州羈管令本
州當職官常切覺察不得放出州城月具存在申尚書
省臣即時望闕謝恩發離本家水陸兼行不敢住滯今
於十一月初十日已到台州城內者畎畝之志一書可
通芻蕘之言萬里不隔集羣辭而上達遭一覽以為榮
竄路雖遙陳情已畢中謝伏念臣材如糞土身若梗蓬

非敢以著書為能所陳者戴君之義如詆誣之不可志
在尊堯豈行用之敢私心唯助舜語言無緒議論至迂
獨歸美於先猷遂大違於國是不行毀弃有誤咨詢虛
消十載之光陰靡恤一門之溝壑果煩揆路特建刑章
若非侍死於九重安得延齡於再造由淮入浙自通至
台怒濤雖阻於重江毒瘴幸殊於五嶺尚留頂踵獨賴
君親此蓋伏遇 皇帝陛下天大奔容日明洞照以至
慈而善貸推觀過之深仕憫此顛墜欲其存在以身償
怨螻蟻之命至微徇國捐生大馬之心未替夢馳丹闕
目想清光重手擢髮之誅徒鬱戴盆之望餘生勿捨大
德難酬

宋文鑑卷第七十一

宋文鑑卷第七十二

箴

對皇太子問政箴

李至

大寶箴

陳彭年

用材箴

田錫

文箴

孫絳

省分箴

王隨

畏言箴

劉敞

讓箴

劉敞

步箴

蔡襄

勸講箴

趙師民

友箴

司馬光

視聽言動四箴

審已箴

程頤

對皇太子問政箴

李至

伏奉手書猥賜下問夙夜尋繹喜與憂并何則至常人
 也識不足以經遠學不足以待問才不足以幹事智不
 足以周身而殿下目之為碩儒曰可以發蒙號之為端
 士曰可以延譽得不憂乎殿下思孝之道貫於神明温
 文之德彰於天下而猶虛懷訪問思所以分君父之憂
 以元元為念且曰一夫或致於回隅千里將疲於觀政
 此乃聖上有浸漬生靈之澤感動天地之德致使殿下
 興言及此實社稷之福而億兆之幸得不善乎然則愚
 者千慮必有一得若夫自古大之養德東宮不親外事
 唯問安侍膳而已固亦宜哉而

難素未所觀自非生知之異天誘其衷莫得而知矣噫
 事有背經而合道時有適變而從官是以五帝三王不
 相沿襲聖上知其然由是以浩穰之務獨命殿下揔其
 綱要而躬決焉殿下復能欽若聖訓率由舊章馭吏民
 必以誠待參佐必以禮慎命令必以簡察獄訟必以情
 恤鰥寡必以仁抑豪猾必以法杜詭佞必以正絕邪僻
 必以道有一于此猶為善政况兼且及數者乎而猶曰奉
 車者賜於司南為政何勉於拱北不亦過謙乎然則至
 雖不敏竊嘗讀易見羣爻稍過必有悔吝唯謙象獨立
 是知謙之時義大矣哉願殿下守之而已勉之而已如
 此則何正言不入何正道不行若正言入而正道行則
 生民不泰未之有也政化不洽亦未之有也輒因問及
 輕肆狂瞽僭易之罪安敢逃焉

大寶箴

陳 彭年

二儀之內最靈者人生民之中至一人者君民既可畏天
 亦無親所輔者德所歸者仁恭已而天下輝光益新載籍
 斯在謀猷備陳內綏萬國外撫百蠻治亂所始言動之
 間觀之則易處之甚難由是先哲以刑彼投艱苟能慮未
 乃可防閑審求逆耳無惡犯顏既立無而富教化乃施慈
 儉之政富庶之基鯁寡孤獨人之所以悲發號施令宜先
 及之黃髮鮒背心實多知左右侍以從何莫於茲瞻言百
 辟咸代天工儻無虛授可建大中亦彰謹東惟藉至公
 知人則哲視遠則聰才固難備道亦少同葑菲罔捨杞
 梓乃充不扶自直惟蓬在麻非揀莫見唯金在沙參備
 顧問必辨忠邪獻替以正裨益無涯自區草澤亦有國
 華訪此髦士可拊朋家三章之立庶民作程欽哉欽哉

可以措刑七代之建寇孽是平本仁本義可以弭兵是
 謂齊禮亦曰好生有教無類自誠而明宗廟社稷饗之
 以恭宮室範圍誠之在豐春蒐秋獮不廢三農擊石拊
 石用格神宗使人以悅乃克成功治國以政罔或不從
 濟濟多士用之有光硜硜小器謀之弗臧忠言致益豈
 讓膏梁六藝為樂寧後笙簧任賢勿貳堯所以昌改過
 不恪湯所以王六合至廣萬彙彼多風俗靡一嗜慾相
 摩如馭朽索若防決河左契斯執六轡遂和導之以德
 民免嬰羅不懈于位俗乃偃戈先王之訓罔不咸然吾
 君之治亦取斯焉小心翼翼終日乾乾三靈降鑒百祿
 無愆由茲率士永戴先天巍巍洪業億萬斯年

用材箴

田 錫

天運四時地生萬類以覆以載各得其位天地猶爾人

胡求備堯以仁化舜以孝理稷專播穀禹務導水聖賢
猶然人胡求全是以有才者不必有德有德者不必有
言與人結交能護其短掩短錄長交即悠遠任人之職
能從其長錄長掩短邦實尊官無好之則忘其不肖無
惡之則忘其允臧執心至公取其所彊馬或奔蹏乃致
千里士有跡弛可任以事一名音可稱則勿求具美然後
會衆善以涖庶官民實攸暨

文箴

孫

何

堯制舜度繇今亘古周作孔述炳星煥日是曰六經爲
世權衡萬象森羅五常混并游夏之徒得麤喪精空傳
其道無所發明後賢誰嗣世世軻泊卿仁門義與我有典
刑聖人觀之猶足化成羸法以劉帝屈指西京仲舒賈誼
名實絕異相如子長才智非亦常較其工拙互有否臧揚

雄歛焉制翼孫翔可師數千擅文之場東漢而下寂無
雄霸曹曹建安格力猶完當途之後文失其官家攘往
跡戶掠陳言陵夷急憤至于江左輕淺淫麗迭相唱和
聖心經體盡隳于地千詞一語萬指一意縫煙綴雲圖
山畫水駢枝儷葉顛首倒尾治亂莫分興亡不純齊頓
梁絕陳傾隋地奕奕李唐不鐸再揚文之紀綱斷而更
張鉅手魁筆磊落相望凌轢百代直趨三王續典紹譽
韓領其徒還雅歸頌杜統其衆士德旣衰文復喧卑制
誥之俗儕于四六風什之訛隣于謳歌懷經囊史孰過
頹波出入五代兵戈不稱天佑斯文起我六君蒲帛詔
聘鴻碩紛綸邪返而正漓澄而淳九百儒林宜師帝心
語思其工意思其深勿聽淫哇喪其雅音勿視彩飾亡
其正色力樹古風坐臻皇極無俾唐文獨稱往昔賤臣

司箴敢告執策

省分箴

王

隋

夕晦晝明乾動坤靜物言崇乎性人賦於命貴賤賢愚壽夭衰盛諒夫自然實數法道定蕙生數寸松高百尺水潤火炎輪曲轅直或金或錫或玉或石茶苦薺甘烏黔鷺白性不可易體不可移振苗則悴續鳥乃悲巢者罔穴泳者寧馳竹栢寒茂桐抽秋衰闕里泣麟傳巖肖象馮衍空歸千秋驟相健羨勿用止足可尚處順安時吉祿長享

畏言箴

劉

敞

吾甚畏言言可畏也而不能默然吾言惘惘獨而後和人猶以為過吾言繩繩譽而不訾人猶以為非非吾言之畏維人之多忌非吾之不能默然而人實多言若是

若其止乎其已乎其勿問而唯乎譬之於物其如石不為水乎水之滔滔往而不來有陷而淵有壅而洄有激而在山椒曰水哉水哉

讓箴

劉

敞

資政富公始讓樞密直學士又讓翰林學士又讓樞密副使凡三讓所讓益尊所守益堅粲然有古人之遺風故作讓箴以矯世礪俗云
讓如何其讓非為名欲先信吾道於天下氓讓如何其讓非為利欲天下之人咸信吾義世有常患患其欲速枉天直尋卒附于卒世有常患患其在得辭小受大卒没于直公皆嗚之公既述之啓之闢之俾出則之曰吾豈惡富貴富貴維德人以厚已我以厚國時豈無人昏夜乞憐縱或得之何如其賢時豈無人棄機射利縱或

得之何如其智嗟此富公直哉優優孰既富公而能勿
羞孰持富公携手以游昔宋考父三命益恭嗟此富公
千世與同作詩載美穆如清風

步箴

蔡襄

有足兮動涉坦夷有心兮何由險巇足非有慮兮心役
之為用心如足兮蠻貊行之

勸講箴

趙師民

若帝之元於稽古先將以其道格于皇天格天如何謹
徽舊典惟聖時憲乃克盡善在帝宅中亮章溫雅將以
其文化成天下化成如何順考正道席上之珍茲惟國
寶天下有帝體元朔制非先聖之舊章不足以秉同文
而執司契日中為市以贊四方非先聖之遺法不足以
舉大義而正國常帝度其身郁郁乎文章禮施樂以副

皇頃帝出其言穆穆歎聲含
吐義式諧羣情自天降
祥我民既康不觀于經懼先
聖之寢志四夷放命有嚴
誓令不觀于經慮太功之未
德無以方隅之多事而謂
經籍之宜息虞舜征苗誕敷
德無謂宸居之至尊而
忽右文之為貴岐昌造周天
地緯無以陳父之可替
乃謂迂闊而難行先哲之言
無老成無譏鄙生之窶
陋而略愚儒之淺昧先師之
諫事不師古無玩歲月
或殊而謂陳言之可悔商弼
之其除而謂寸陰之已速周
土之戒惟日不足有以見
世主之御圖或萬機紛然不
酌于古道則風祀有時而
弗宣有以見人君之居極或
百度差忒不斷于古義則
權制有時而弗克昔令王之
經世必去害而稱利明主
觀其書可以效財成于萬事
昔賢臣之事君有謀猷而

必陳明主觀其書可以示軌度于羣倫正朝之士法官
之中非贊襄雅奧不足以興皆然于清躬神麗之游光
明之憂非啓迪深學不足以立正事於古語是故可以
上文可以立武可以奉天地可以為宗主匪止玩其辭
而釋其詰可以觀道可以對萬物可以臨兆人不止明
其舊而知其新靖恭乙夜總覽羣書夫聖人之至德何
以加於從容晏朝綉繹微旨非天下之至精孰能與此
臣初聞始元之間儒風寢還待問之臣賜以清問臣復
觀永平之烈經術未缺羣儒議前稱制以決桑乾之右
來自幽陵東髮右衽斯文有承金陵之君越于夷裔雖
則講習其文已啟李唐之興賢君挺生正觀初洽開元
既平東壁羣山儒宗墨卿待從之臣官有佳名在我
太祖神武披攘親駕辟靡儒有光有赫 太宗文武

並運經臣師師以承帝問於穆 真皇講求多矣以其
入文發為盛際 陛下即位纂承天祿肇開二閣以
儒服西臨爾英北宮延義瞻仰皇明彌綸聖智成天下
之務昔游焉而穆清陳天下之謨頃於茲而講肄帝
甚明天章不祕願以議道願以求治下臣執經敢告中侍

支箴

司馬光

余何游乎余將游聖人之門仁人之里非聖不師非仁
不友可乎未可不若游衆人之場聞善而遷觀過而改

視聽言動四箴序

程頤

顏子問克己復禮之目夫子曰非禮勿視非禮勿聽非
禮勿言非禮勿動四者身之用也由乎中而應乎外制
於外所以養其中也顏子事斯語所以進於聖人之後之
學聖人者宜服膺而勿失也作四箴以自警言云

一
視箴

心考本虛應物無跡探之有要視之為一作則蔽交於前其中則遷制之於外以安其內克已復禮久而誠矣

聽箴

人有秉彝本乎天性知誘物化遂亡其正車彼先覺知止有定閑邪存誠非禮勿聽

言箴

人心之動因言以宣改禁躁妄內斯靜專矧是樞機與戎出好吉凶榮辱惟廿六所乃召傷易則誕傷煩則枝已肆物忤出言來違非法不道欽哉訓辭

動箴

哲人知幾誠之於思志士屬行守之於為順理則裕從欲惟一作危造次克念戰兢自持習與性成聖賢同歸

審已箴

王 无咎

汝曰有德汝未大成汝之有過傷德蓋輕聖能怨汝猶曰汝美衆人弗遠知慕而已怨汝不知慕汝輒愉汝不自反卒比於愚愚不可比汝孰宜懼聖人之怨衆人之慕

宋文鑑卷第七十二

